

身心能除憍慢欲令受者安樂能除憚者嫉妬知施有因果能除無明邪見精進能生如

此善對治如此惡由精進施得成就故精進能成施若菩薩正行施時一心相續緣利樂

衆生事由此定故施得成就故定能成施若菩薩正行施時由了別因果不著三輪故般若能成施是名餘波羅蜜助成一波羅蜜故

合說六波羅蜜摠名爲施如施戒等亦余一度具六故成三十六句

論曰此中說鬱陀那偈

位數相次第 名修差別攝 對治及功德

互顯諸度義

攝大乘論釋卷第九

與四

釋提上初鷹初照二天闡提上昌演天此徒男天此云忍辱一拔也串俱患反又正貫抑意力反阻壞上正作沮才閑吾蓋反種植下時力用一反反厄音商估二字正作賈音上音傷下諧戶昔反杭州路在城居士錢覺菴發心精捨中鏡妙貳綻助刊大藏經文所集珠軒印

攝大乘論釋卷第十

與五

天親菩薩釋 陳天竺藏法師真諦譯

入因果修差別勝相第五

對治章第一

釋曰此義有五章一對治二立名三得相四修相五修時

論曰如此已說入因果

勝相云何應知入因果修差別

釋曰前

已摠說六度因果差別在願行位爲因在清淨位爲果未約地辯修差別故目前摠說爲如此唯識智名入三無性爲勝相六度即是唯識智入三無性因果欲顯諸波羅蜜修習差別故問云何應知

四恩下資三有普爲有情同圓種智者

大德十年二月

日意

論曰由十種菩薩地何者爲十一歡喜地二

無垢地三明焰地四燒然地五難勝地六現前地七遠行地八不動地九善慧地十法雲地

釋曰若欲知修差別觀十地差別即

知因果修差別

論曰云何應知以此義成立諸地爲十

釋曰此問欲顯何義若菩薩入初地見真如即盡何以故真如無分數故若見真如不盡真如則有分數若有分數則同有爲法若見已盡何故說有十地

論曰爲對治地障十種無明故

釋曰真

如實無一二分數若約真如體不可立有十種差別真如有十種功德能生十種正行由無明覆故不見此功德由不見功德故正行不成爲所障功德正行有十種故分別能障無明亦有十種

論曰於十相所顯法界 釋曰十相謂十

種功德及十種正行此相皆能顯法界

論曰有十種無明猶在爲障

釋曰此十種相雖復實有由無明所覆不得顯現故知菩薩初入真如觀障見道無明即滅所餘無明猶在未滅故十無明覆十功德障十正行何者爲十種無明一凡夫性無明二依身業等於諸衆生起邪行無明三心遲

苦無明聞思修忘失無明四微細煩惱行共生身見等無明此煩惱最下品故隨思惟起故已遠離隨順本所行事故故名微細煩惱五於下乘般涅槃無明六塵相行無明七微細相行無明八於無相作功用心無明尤於衆生利益事不由功用無明十於衆法中不

与五

二

得自在無明凡夫性無明是初地障此無明即是身見身見有二種一因二果法我執是因人我執是果因即凡夫性迷法無我故稱無明二乘但能除果不能斷因若不斷此無明則不得入初地故此無明爲初地障依身業等於諸衆生起邪行無明是二地障菩薩

未入二地生如此想謂三乘人有三行差別
迷一乘理故稱無明又釋一切衆生所行之
善無非菩薩大清淨方便何以故清淨既一
未至大清淨位無佳義故若悉應同歸菩薩
大道云何修方便不修正道未入二地則無
此智由迷此義故稱無明若不斷此無明則
不得入二地故此無明爲二地障心遲苦無
明聞思修忘失無明是三地障未至智根位
爲遲未得菩薩微妙勝定爲苦以障根及修
故稱無明障聞持等陀羅尼不得成就令所
聞思修有忘失故稱無明若不斷此無明不
得入三地故此無明爲三地障微細煩惱行
共生身見等無明爲四地障煩惱行者法執
分別種子爲體生住滅不停故名行此種子
爲身見因此種子體亦即是身見以是法分
別種類故此煩惱最下品故者此釋微細義
由是最下品不能染汙菩薩心故名微細隨
思惟起故者此釋共生義雖復不能染菩薩

与五

三

心隨正思惟起與正思惟相應故不可說無
以能障菩薩一切智故已遠離隨順本所行
事故者此釋離伴義昔在凡夫共位中及地
前隨順本所行一切煩惱事今修行四地離
之已遠由不了法無我空故稱無明若不斷
此無明則不得入四地故此無明爲四地障
於下乘般涅槃無明是五地障若人依四諦
觀修行五地見生死爲無量過失火之所燒
然見涅槃最清涼寂靜功德圓滿不欲捨生
死此行難行不欲取涅槃此行亦難行若人
修行五地心多求般涅槃故稱無明若不斷
此無明不得入五地故此無明爲五地障塵
相行無明是六地障若人修行六地一切諸
行相續生如量如理證已多住厭惡諸行心
中未能多住無相心中故稱無明若不斷此
無明不得入六地故此無明爲六地障微細
相行無明爲七地障若人修行七地由心於
百萬大劫中未能離諸行相續相謂生及滅

故不能通達法界無染淨相如經言龍王十二緣生者或生或不生云何生由俗諦故云何不生由真諦故於十二緣生中未能離生相住無生相不得入七地故稱無明若不斷此無明不得入七地故此無明爲七地障於無相作用心無明爲八地障若人修行八地由作用用心爲除微細相行無明及爲住無相心中未能自然恒住無間缺無相心故稱無明若不斷此無明不得入八地故此無明爲八地障於衆生利益事不由功用無明是九地障若人修行九地心自然恒住無相但於利益衆生事四種自在中未能自然恒起利益衆生事故稱無明若不斷此無明不入九地故此無明爲九地障於衆法中不得自在無明是十地障若人修行十地於成就三身業及微細秘密陀羅尼三摩提門未得自在故稱無明若不斷此無明不得入十地故此無明爲十地障

與五

論曰何者能顯法界十相
釋曰此問欲顯真如有十功德相此十功德能生十正行及十不共果以顯法界體十功德是顯法界之本故先問十功德相

論曰於初地由一切遍滿義應知法界
釋曰真如法界於一切法中遍滿無餘何以

故諸法中無有一法非無我故人法二執所起分別覆藏法界一切遍滿義由此障故願行位人不得入初地若除此障即見真如遍滿義人法二執求得清淨由觀此義得入初地

論曰於二地由最勝義

釋曰人

法二空攝一切法盡是遍滿義此義於一切法中最勝清淨由觀此義得入二地

論曰於三地由勝流義

釋曰真如於一切法中最勝由緣真如起無分別智無分別智是真如所流此智於諸智中最勝因此智流出無分別後智所生大悲此大悲於一切定中最勝因此大悲如來欲

安立正法救濟衆生說大乘十二部經此法是大悲所流此法於一切說中最勝菩薩為得此法一切難行能行難忍能忍由觀此法得入三地

論曰於四地由無攝義

論曰於五地

五

釋曰於最勝真如及真如所流法菩薩於中見無攝義謂此法非我所攝非他所攝何以

故自他及法三義不可得故譬如北鬱單越人於外塵不生自他攝想菩薩於法界亦余故法愛不得生由觀此義得入四地

論曰於五地由相續不異義

釋曰此法雖復無攝三世諸佛於中相續不

異不如眼等諸根色等諸塵及六道衆生相續有異何以故如此等法分別所作故相續有異三世諸佛真如所顯故相續不異若觀此義得入五地

論曰於六地由無染淨義

釋曰三世諸

佛於此法中雖復相續不異此法於未來佛

無染以本性淨故於過去現在佛無淨以本性無染故由觀此義得入六地

論曰於七地由種種法無別義

釋曰十二部經所顯法門由種種義成立有異由一味修行一味通達一味至得故不見有異由觀此義得入七地

論曰於八地由不增減義

釋曰菩薩見

一切法道成時不增惑滅時無減如此智是相自在及土自在依止相自在者如所欲求相以自在故即得現前土自在者若菩薩起分別願願此土皆成頗梨柯等以自在故如所願即成初自在爲成熟佛法後自在爲成熟衆生此二自在由不增減智得成即以不增減智爲依止由觀此義得入八地

論曰於九地由定自在依止義由止自在依

止義由智自在依止義

釋曰初二依止義如前釋智自在者四無礙解所顯名智此智以無分別後智爲體何以

故遍一切法門悉無倒故由得此智故成大
法師能令無窮大千世界衆生入甚深義如
意能成故名自在此自在以無分別智爲依
止由得此自在故入九地又釋通達法界爲
智自在依止故得四無礙解由觀此義得入
九地

論曰於十地由業自在依止義由
与五

六

陀羅尼門三摩提門自在依止義應知法界
釋曰通達法界爲作衆生利益事若得諸佛
三業及得陀羅尼門三摩提門則能通達如
來一切秘密法藏得入十地又釋通達法界
爲業自在依止通達法界爲陀羅尼門三摩
提門自在依止由此通達爲化度十方衆生
得三身三業故名業自在由得陀羅尼門三
摩提門如來一切秘密法藏如意通達故名
自此三自在並以真如爲依止由觀此義
得入十地若通達法界真如十種功德爲得
何果若通達法界遍滿功德得通達一切障
空義得一切障滅果若通達法界最勝功德

得於一切衆生最勝無等菩提果若通達法
界勝流文句功德得無邊法音及能滿一切
衆生意欲果何以故此法音無邊無倒故若
通達法界無攝功德得如所應一切衆生利
益事果若通達法界相續不異功德得與三
世諸佛無差別法身果若通達十二緣生真
如無染淨功德得自相續清淨及能清淨一
切衆生染濁果若通達種種法無別功德得
一切相滅恒住無相果若通達不增減功德
得共諸佛平等威德智慧業果若通達四種
自在依止功德得三身果若通達無分別依
止得法身果若通達土及智自在依止得應
七
身果由此應身於大集中得共衆生受法樂
果若通達業依止得化身果因於此果能作
無量衆生無邊利益果

論曰此中說偈
遍滿最勝義 勝流及無攝 無異無染淨
種種法無別 不增減四種 自在依止義
業自在依止 捏持三摩提

如此二偈依中邊分別論應當了知

復次此無明應知於二乘非染汙於菩薩是

染汙

釋曰二乘修行不爲入十地此無明不障二乘非二乘道所破故不染汙二乘菩薩修行爲入十地此無明障菩薩十地爲菩薩道所破故染汙菩薩若菩薩於初地能通達一切地云何次第制立諸地差別由此住故菩薩修行十度通別二行因此住修別行故次第製立十地差別

立名章第二

論曰云何初地名歡喜由始得自他利益功

能故

釋曰菩薩於初登地時即具得自利利他功能昔所未得此時始得是故歡喜聲聞於初證真如時但得自利功能無利他功能聲聞亦有歡喜義不及菩薩故唯菩薩初地立歡喜名聲聞初果不立此名後次昔所未證出

此法今始得證無量因緣有大慶悅恒相續生故稱歡喜

戒垢故

釋曰菩薩於此地中自性清淨戒非如初地由正思量所得故稱無垢復次於此地中一切微細犯戒過失垢離之已遠自性清淨戒恒相續流故稱無垢

三摩提依止故大法光明依止故

釋曰菩薩於此地中未曾離三摩提及三摩跋提以不退此定故所說大乘教是此定依止大法謂大乘法無分別智及無分別後智

八
與五

名光明菩薩亦恒不離此智聞持陀羅尼爲此智依止以定爲明以智爲焰故稱明焰又釋定爲智根故名依止智爲定根故名依止復次此地是無量智慧光明無量三摩提聞持陀羅尼依止故稱明焰

論曰云何四

地名燒然由助菩提法能焚滅一切障故

釋曰菩薩於此地中恒住助道法故名然由住此法能焚滅大小諸惑故名燒故稱燒然復次道火熾盛能燒惑薪故稱燒然

論曰云何五地名難勝真俗二智更互相違能合難合令相應故

釋曰真智無分別俗智如工巧等明處有分別分別無分別此二互相違合令相應此事爲難菩薩於此地中能令相應故稱難勝

論曰云何六地名現前由十二緣生智依止故能令般若波羅蜜現前住故

釋曰菩薩於此地中住十二緣生觀由十二緣生智力得無分別住無分別住即是般若波羅蜜

此般若波羅蜜恒明了住故稱現前

論曰云何七地名遠行由至有功用行最後邊故

釋曰菩薩於此地中作功用心修

行已究竟思量一切相皆決了此思量由功用得成於加行功用心中最在後邊故稱遠行復次無間缺思惟諸法相長久入修行心

與五

九

與清淨地相隣接故稱遠行

論曰云何八地名不動由一切相及作意功用不能動故

釋曰於無相及一切相作

功用心及惑不能動故菩薩於此地有二種境一真境二俗境真境名無相菩薩住此境一切相及功用所不能轉俗境名一切相即

利益衆生事菩薩於此境一切惑不能染菩薩心由此二義故稱不動復次一切相一切法一切功用不能轉菩薩無分別心何以故此無分別心自然相續恒流故稱不動

論曰云何九地名善慧由最勝無礙辯智依止故

釋曰菩薩於此地中所得四辯名廣大智慧有此功能故稱善慧

慧此慧圓滿無退無垢名善故稱善慧復次菩薩於此地中能具足說一切法由得無失

論曰云何十地名法雲由緣通境知一切法

一切陀羅尼及三摩提門爲藏故譬雲能覆如虛空龐障故能圓滿法身故

釋曰菩薩於此地中得如此智能緣一切法

通爲一境此智有勝功能譬雲有三義謂能藏能覆能益如淨水在雲內爲雲所含即是能藏義此智亦余陀羅尼門及三摩提門如淨水在此智內爲此智所含故有能藏義雲

能覆空一分此智亦余能覆一切塵大或障

爲能對治故作自地滅道作餘地不生道復次如雲能遍滿虛空此智亦余能圓滿菩薩

轉依法身由此二意故有能覆義菩薩由有

此智如大雲於一切衆生隨根隨性常雨法雨能除衆生煩惱熾熾能脫衆生三障塵垢能生長衆生三乘善種故有能益義法目此

智以雲譬智故稱法雲通名地者有四義一住義二處義三攝義四治義是十一無流勝智住位故以住爲義是受用現世安樂住成熟佛法成熟衆生處故以處爲義摶攝一切福德智慧故以攝爲義能對治惑流故以治爲義

得相章第三

論曰云何應知得諸地相 釋曰若菩薩已得歡喜地所得實相此相能發起菩薩自精進心能生衆生信樂能令菩薩離增上慢心須說所得地相故問云何應知

論曰由四種相

釋曰四種相中隨一相

顯現即驗此人已入菩薩地何以故此四相離登地人於餘處則無

論曰一由已得信樂相於一地決定生信樂故

釋曰有五種信樂如地持論說一無放逸二遭苦難衆生無救無依爲作救濟依止之所三於三寶起極尊重心窮諸供養

四知所有過不一念覆藏即皆發露五於一切事及思修中先發菩提心於此五中隨一顯現即驗已入菩薩地譬喻須陀洹人得四不壞信何以故此五是菩薩常所行法是故能顯菩薩已入地相 論曰二由已得行

相得與地相應十種法正行故

釋曰若菩薩修行十地不出十種正行此十種正行是十地依止十種法正行如十七地論說諸菩薩於大乘中為成熟衆生有十種善法正行與大乘相應十二部方等經菩薩藏所攝何等為十一書持二供養三施他四若他正說恭敬聽受五自讀六教他令得七

与五

士

二執是菩薩心緣四種境起何者為四一緣未來世菩提資糧速疾圓滿二緣作衆生利益事圓滿三緣無上菩提果四緣諸如來具相佛事圓滿緣此四境即有四心一精進心二大悲心三善願心四善行心修相章第四

論曰云何應知修諸地相

釋曰已說得諸地相復以何方便修能得諸地故問云何應知

論曰諸菩薩先於地地中修習奢摩他毗鉢舍那各有五相修習得成

釋曰三世菩

薩修行悉同為得未曾得為先此顯修時在清淨意位故言於地地中所修十波羅密通有二體一不散亂為體二不顛倒為體不散亂屬奢摩他不顛倒屬毗鉢舍那諸地若各具五相修習得成菩薩地若無此五修不得入菩薩地

論曰何者為五一集揔修

釋曰成就心有四種所緣境亦有四種菩薩法界時皆能通達一切地故

釋曰由四尋思四如實智所得真如地地不異論曰四由已得成就相此十地皆已至究竟修行故

釋曰成就心有四種所緣境亦有四種菩薩於願樂地中善增長善根已依菩提道出離

釋曰依佛所說大乘正教種種文句種種義理種種法門由四尋思及四如實智觀察名義法門自性及差別皆不可得此不可得不可說有離三性故不可說無是清淨梵行果故如來所說通是一味故名總修此修依智慧行

與五

十一

論曰二無相修 釋曰如前所說無著等五種清淨故名無相又於自身報恩果報不著故名無相此修依大悲行
論曰三無功用修 釋曰菩薩不由作功用心自然在菩提行若於餘事須作功用心此修依自在及正見行

與五

十二

論曰四熾盛修 釋曰菩薩不以悠悠心修道捨下中心依上品心修行之時於身命財無所惜故名熾盛此修依精進行
論曰五不知足修 釋曰如前所說於長時修施等行不生疲厭故名不知足此修依信行如經言若人有信心則於善無厭

論曰應知於諸地皆有此五修 地皆須五修有二義一未得令得二已得令不失 論曰此五修生五法爲果

釋曰五修是因五法爲果果有二種一真實

果二假名果五法是真實果地是假名果以五法成地故地是假名果

論曰何者爲五一剎那剎那能壞一切塵重依法 釋曰惑障爲塵智障爲重本識中一切不淨品熏習種子爲此二障依法初剎那爲次第道第二剎那爲解脫道初剎那壞現在惑令滅第二剎那遮未來惑令不生復次由奢摩他毗鉢舍那智緣總法爲境剎那剎那能破壞諸惑聚是所對治者令滅非所對治者令羸此惑滅不生果是總修所得

釋曰能得出離種種立相想現受法樂何以故如來隨衆生根性及煩惱行立種種法相若人如文判義此種種法前後相違若執此

相不離疑惑於正法中現世無有得安樂住
義若依無相修於正法中出離種種立相想
觀此正說同一真如味心無疑惑於正法中
縱任自在故現世得安樂住此成熟佛果是
無相修所得 論曰三能見一切處無量
無分別相善法光明

釋曰約三乘法說一切處又約內外法說一
切處又約真俗說一切處如此一切處菩薩
能見無量相如佛所說法相及世間所立法
相菩薩皆能了達即是如量智如其數量菩
薩以如理智通達無分別相此二智能照了
真俗境故名善法光明此二智果是無功用
修所得

論曰四如所分別法相轉得清淨分恒相續
生爲圓滿成就法身

釋曰如昔所聞於思量覺觀中奢摩他毗鉢
舍那未滿未大未隨緣行以未有熾盛修故
得此修已由離障故轉得清淨分由相續生

故得圓滿由圓滿得觸法身至究竟位故得
成就謂起時圓滿時究竟時復次如來有二
種身一解脫身二法身由滅惑故解脫身圓
滿由解脫身圓滿故法身成就此出離果是
熾盛修所得 論曰五於上品中轉增爲
最上上品因緣聚集

釋曰菩薩登地已得上品由於善法不知足
故更進修集從初地轉觸二地乃至從十地
轉觸佛果成最上上品先所修福德智慧資
糧無分別智爲因諸助道法爲緣一時滿足
故言因緣聚集此圓滿果是不知足修所得
所餘諸地義應知如十七地論說謂有能無
古 五

能等於十地中有幾種法未滅爲滅未得爲
得故菩薩修十地行菩薩先在願行地中於
十種法行修願忍得成由願忍成過願行地
入菩薩正定位願者有十大願一供養願願
供養勝緣福田師法主二受持願願受持勝
妙正法三轉法輪願願於大集中轉未曾有

法輪四修行願願如說修行一切菩薩正行五成熟願願成熟如器世界衆生三乘善根六承事願願往諸佛土常見諸佛恒得敬事聽受正法七淨土願願清淨自土安立正法及能修行衆生八不離願願於一切生處恒不離諸佛菩薩得同意行九利益願願於一切時恒作利益衆生事無有空過十正覺願願與一切衆生同得無上菩提恒作佛事此十願至登初地乃得成立何以故此願以真如爲體初地能見真如故忍者即無分別智由願忍成故有二種勝能謂能滅能得何者是耶有二十二無明十一麁重報障十一地諸地各能滅三障各得勝功德初地能滅三障者一法我分別無明二惡道業無明此二無明感方便生死名麁重報爲滅三障故修正勤因修正勤滅三障已得入初地得十分圓滿一入菩薩正定位以入菩薩初無流地故二生在佛家如諸菩薩生法二家具足尊

十五

勝故三種性無可譏嫌以過二乘及世間種性故四已轉一切世間行以決定不作殺生等邪行故五已至出世行所得諸地必無流故六已得菩薩法如由得自他平等故七已善立菩薩家處由證真實菩薩法故八已至二世平等由覺了一切法無我真如故九已決定在如來性中當來必成佛故十已離壞邠事由佛道破無明蔽於外般涅槃故菩薩於初地由見法界遍滿義得此十分如聲聞在初果有十分功德由此分故初地圓滿菩薩於初地未有勝能未能了達菩薩戒中微細犯戒過行故所以未能者由三障故一微細犯過無明二種種相業行無明此二無明感方便生死故名麁重報爲滅三障故修正勤因修正勤滅三障已入第二地得八種清淨功德一信樂清淨二心清淨三慈悲清淨四波羅蜜清淨五見佛事清淨六成熟衆生清淨七生清淨八威德清淨於上上地離如

來地此八種功德轉上轉勝中此分故二地圓滿菩薩於二地未有勝能未得世間四定四空三摩跋提及聞持陀羅尼具足念力所以未得者由三障故一欲愛無明二具足聞持陀羅尼無明此二無明所感方便生死名鹿重報爲滅三障故修正勤因修正勤滅三

障已入第二地得八種轉勝清淨及四定等乃至通達法界勝流義由此分故三地圓滿菩薩於三地未有勝能未能隨自所得助道品法中如意久住未能捨離三摩跋提法愛心清淨住所以未能者由三障故一三摩跋提愛無明二行法愛無明此二無明所感方便生死名鹿重報爲滅此三障故修正勤因修正勤滅便生死爲鹿重報爲滅此三障故修正勤因修正勤滅三障已入第四地得八種轉勝清淨及不證淨及於助道品法中如意久住等乃至通達法界無攝義由此分故四地圓滿菩薩於四地未有勝能菩薩正修四諦觀於生死涅槃未能捨離一向背取心未能修四種方便所

与五

十六

攝菩薩道品所以未得者由三障故一生死涅槃一向背取思惟無明二方便所攝修習道品無明此二無明所感因緣生死名鹿重報爲滅此三障故修正勤因修正勤滅三障已入第五地得八種轉勝清淨及得捨離背取心等乃至通達法界相續不異義由此分故五地圓滿菩薩於五地未有勝能諸行法生起相續如理證故由多修行厭惡有爲法相故未能長時如意住無相思惟故所以未能者由三障故一證諸行法生起相續無明二相想數起無明此二無明感因緣生死名鹿重報爲滅此三障故修正勤因修正勤滅三障已入第六地得八種轉勝清淨及不證諸行生起相續等乃至通達法界無染淨義由此分故六地圓滿菩薩於六地未有勝能未能離有爲法微細諸相行起未能長時如意住無間無流無相思惟中所以未能者由三障故一微細相行起無明二一向無相思

惟方便無明此二無明所感因緣生死名鹿重報爲滅三障故修正勤因修正勤滅三障已入第七地得八種轉勝清淨及於正說中得具足相自微細行起諸相乃至通達法界種種法無差別義由此分故七地圓滿菩薩於七地未有勝能未能離功用心得住無相修中未能於

与五十七

自利利他相心得自在所以未能者由三障故一於無相觀作功用無明二於相行自障在無明此二無明所感有有生死名鹿重報爲滅三障故修正勤因修正勤滅三障已入第八地得八種轉勝清淨及離功用心得住無相修中等乃至通達法界無增減義由此分故八地圓滿菩薩於八地未有勝能未得於正說中具足相別異名言品類等自在未得善巧說陀羅尼所以未得者由三障故一無量正說法無量名句味難答巧言自在陀羅尼無明二依四無礙辯決疑生解無明此二無明所感有有生死名鹿重報爲滅此三

障故修正勤因修正勤滅三障已入第九地得八種轉勝清淨及於正說中得具足相自在等乃至通達法界智自在依止義由此分故九地圓滿菩薩於九地未有勝能未能得正說圓滿法身未得無著無礙圓滿六通慧所以未得者由三障故一六神通慧無明二入微秘密佛法無明此二無明所感有有生死名鹿重報爲滅此三障故修正勤因修正勤滅三障已入第十地得八種轉勝清淨及能得正說圓滿法身等乃至通達法界業自在依止義由此分故十地圓滿菩薩於十地未有勝能未得清淨圓滿法身未能於一切應知境得無著無礙見及智所以未得者由三障故一於一切應知境微細著無明二於一切應知境微細礙無明此二無明所感無有生死名鹿重報爲滅此三障故修正勤因修正勤滅三障已入如來地得七種最勝清淨離生清淨及得清淨圓滿法身無著無

礙見智等由此分故如來地圓滿十地功德皆是有上如來地功德悉是無上諸波羅蜜是菩薩學處何故或說有六或說有十說有六者凡有二義一前三成他世間利益二後三成他煩惱對治由菩薩行施立衆生資生具故令他離貧窮苦由菩薩行戒離逼害損

与五

十六

惱衆生故令他無怖畏由菩薩行忍不報衆生逼害損惱惡事故令他無疑安心故此三是成他世間利益菩薩行精進若他未伏惑及未斷惑能安立此人於善及助善處由此精進諸惑不能令彼退善及助善處菩薩行定能伏滅他煩惱菩薩行般若能斷除他煩惱是故後三爲成他煩惱對治或說有十更立後四波羅蜜數者爲助成前六故立後四前三波羅蜜所利益由四攝所顯方便波羅蜜能安立彼於善處故方便波羅蜜是前三波羅蜜助伴若菩薩於現世或爲煩惱多或由願生下界或由心羸弱於恒修習及心住

內無有功能定緣菩薩藏文句生無有功能引出世般若菩薩行薄少善根功德願於未來世煩惱薄少等能起菩薩精進波羅蜜自爲既尔令他亦然故願波羅蜜是精進波羅蜜助伴此已得精進菩薩由事善知識得聞正法如聞正思惟故能除羸弱心地於美妙境得強勝心地是菩薩力波羅蜜由此修力菩薩能引心令住內境故力波羅蜜是定波羅蜜助伴此已得力菩薩緣菩薩藏文句所生聞思修慧及緣五明智此智能如理簡擇真俗境此智或在無分別智前或在無分別智

与五

十九

後是菩薩智波羅蜜由此智能生定及引出般若故智波羅蜜是般若波羅蜜助伴復次菩薩十種學處次第云何前前波羅蜜能攝成後後波羅蜜爲彼依止故若菩薩不惜六度及自身樂得受持禁戒菩薩爲護惜戒故忍受他毀辱由能忍受故精進不懈由此精

進息惡生善故觸三摩提若定成就則能引出世般若由般若迴向前六度爲得大菩提故施等無盡故般若能引方便因此方便發諸善願能攝隨順生處一切生處恒值如來出世是故常行施等故方便能引願因此願故得二種力謂思擇力及修習力破施等對治波定常能修行施等是故願能引力因此力故如言執義無明則滅得受施等增上緣正說法樂因此法樂能成熟衆生善根故力能引智初地通達遍滿義得出世智善薩見道所攝法界所謂二空故能了知自他平等由得平等不愛自憎他於自他利益能平等行是故初地行施圓滿二地由通達最勝義謂自性清淨菩薩作如此意如經言我等同得此清淨故出離是故應唯修真道此經顯二義一顯法界自性清淨最勝無別二顯真道歸趣法界既不見法界有上中下品故不求二乘果但求無上菩提此清淨道即是菩

薩戒是故二地行戒圓滿三地由通達勝流義故行忍何以故如來所說十二部經是法界勝流從通達法界生故若人如理依文修行得證此希有法菩薩作是思惟如經言爲得此文無有難忍而不能忍假使三千大千世界滿中盛火菩薩爲求此法能投身火中是故三地行忍圓滿四地由通達無攝義觀法界無所繫屬以是無分別智境故如經言由此通達持訶那三摩提三摩跋提及善法愛滅不更生此地中一切定及三十七道品法極成就於中愛樂不可捨離何以故過失難見故若無最勝正勤此愛不可滅此愛若
与五

減知正勤已成是故四地行精進圓滿五地由通達相續不異義謂一切諸佛法身自性無別異菩薩得十種清淨意平等此意平等即是菩薩定何以故菩薩定者境界平等由緣真如及衆生故由行平等通攝六度故由方便平等離高下心故由道平等離有無二

邊故如此等十種意平等爲定體是故五地行定圓滿六地由通達無染淨義菩薩在六地觀十二緣生此觀中不見一法有淨有染何以故法界自性清淨故無明等十二分唯分別爲性分別既無相爲性故不見法有染染既不成故不見法有淨如經言龍王十二緣生或生或非生約世諦說生約真諦說不生復次於十二緣生無法名染無法名淨法性無別異故是故六地行般若圓滿七地由通達種種法無別異義謂如來說三乘無量法門同一真如味十二部經所說種種相想法求不復生由知諸法無別異義所有真俗諸行一向迴向無上菩提即是方便迴向勝智爲方便體令他得益爲方便用施等善根不減不盡爲方便事此方便但爲利他非爲自利以不盡故利他無窮是故七地行方便行圓滿八地由通達不增減義菩薩觀煩惱滅時無減道生時無增法界有兩位一有垢位

与五

二十一

二無垢位菩薩不見法界垢位有增不見法界無垢位有減又不見無垢位道生有增有垢位道不生爲減不見一法有增減故依此法界勝願得成菩薩於八地緣真俗境二智相違若離願力無並成義何以故緣真是無分別智自在以無功用心故緣俗是淨土自在以清淨有功用心故此二自在必依願力得成此願以何法爲體未得求得是願體如先所求自然而成立是願用一切生處恒值諸佛常行施等善根成立不斷是願事此願但爲利他非爲自利以不斷故一切生處利他無窮是故八地行願圓滿九地由通達智自在依止義於九地中得二種力謂思擇力及修習力由此力故能伏一切正行對治能令善行決定此力以何爲體無邊智能是力體能伏對治令不起是力用令所行善決定清淨無雜無礙是力事此力但爲利他非爲自利以決定故利他無窮是故九地行力圓滿

十地由通達業自在依止義菩薩觀真如遍滿是應化身依止故得隨真如於十方世界顯現二身作自他利益事此業是應化二身所顯此智以何爲體般若及定是智體不住生死涅槃是智用利益凡夫及聖人是能事此智但爲利他非爲自利二身所顯故利他

無窮是故十地行智圓滿故

論曰於十地中修十波羅蜜隨次第成於前

六地有六波羅蜜如次第說

釋曰前六地通達法界六種功德故各行一

波羅蜜此義如前說

論曰於後四地有四波羅蜜

釋曰若說六波羅蜜方便勝智等四波羅蜜應知攝在六中攝義如前說若說十波羅蜜前六波羅蜜是無分別智攝後四波羅蜜是無分別後智攝後四地依無分別後智修行四波羅蜜云何知方便勝智是無分別後智攝此波羅蜜復以何法爲體爲答此二問故

与五

論曰一漚和拘舍羅波羅蜜六波羅蜜所生長善根功德施與一切衆生悉令平等爲一切衆生迴向無上菩提

釋曰若人求得無上菩提先自思惟凡是一切衆生利益事我悉應作是故求無上菩提一切行菩薩道人其心皆専由爲欲利益衆生故所作善根功德悉迴向無上菩提因果皆同是名平等此平等是方便勝智用般若大悲以爲其體何以故是六波羅蜜依般若生長依大悲爲衆生迴向無上菩提令平等皆得由般若故不迴向梵釋等富樂果由大悲故不迴向二乘果是故不捨生死於中不被染汙是名方便勝智波羅蜜若離分別此事不成故是無分別後智攝復云何知願波羅蜜是無分別後智攝復以何法爲此波羅蜜體爲答此二問故

論曰二波尼他那波羅蜜此度能引攝種種善願於未來世感六度生緣故

釋曰此願於現在世依諸善行能引攝種種
善願此願於未來世能感隨六度生緣謂好
道器及外資糧善知識正聞等是名善願因
果事清淨意欲以爲其體依般若故得清淨
依大悲故有意欲若離分別此事不成故是
無分別後智攝云何知力波羅蜜是無分別

與五

光三

後智攝此波羅蜜復以何法爲體爲答此二
問故

論曰三婆羅波羅蜜由思擇修習力伏諸波
羅蜜對治故能引六波羅蜜相續生無有間
缺 釋曰於餘經中說力有二種一思擇力
二修習力思擇力者正思諸法過失及功德
此思擇力若增勝非自地惑所能動堅強故
名力修習力者心緣此法作觀行令心與法
和合成一猶如水乳亦如熏衣是名爲修此
修若增成上上品能斷除下地惑亦以堅強
故名力此中但取思擇力伏滅諸波羅蜜對
治惑行六波羅蜜令相續無間缺此即是力

波羅蜜事既但取思擇力故以思慧爲其體
爲利益他伏惡行善故兼屬大悲若離分別
此事不成故是無分別後智攝云何知智波
羅蜜是無分別後智攝復以何法爲此波羅
蜜體爲答此二問故

論曰四若那波羅蜜此度是能成立前六度
智能令菩薩於大集中受法樂及成熟衆生
釋曰此度謂智波羅蜜智有二種一有分別
二無分別今明有分別智何以故以能成立
前六波羅蜜故能成立者如來依六波羅蜜
所說一切正法菩薩能思量簡擇自得通達
及令他得通達能成立六度故菩薩於大集
中得受法樂令自他通達爲欲成熟衆生此
即智波羅蜜事亦以思慧爲體此體此智旣
爲利物故兼屬大悲若離分別此事不成故
是無分別後智攝

論曰後四波羅蜜應知是無分別後智攝一
切波羅蜜於一切地中不同時修習

釋曰隨別義諸地各修一度故不同時

論曰從波羅蜜藏藏經應知此法門廣顯諸

義

釋曰一切大乘法名波羅蜜藏爲利益他故佛說大乘攝藏諸波羅蜜非聲聞乘得此藏名以聲聞乘不爲利他說故若一切大乘皆名波羅蜜藏此法門爲從何出此法門

是十地波羅蜜藏所攝以文攝義故名藏部

黨義類相攝又名藏故有重藏名復次佛不

爲二乘說於二乘有隱秘義故名爲藏此經

中說一切波羅蜜地地各各修習得成此地

諸佛於一切土處恒爲勝行人說此正說地

義如來法中爲無等說以無義無行得勝此

地此地能爲一切義作依止故何以故由如

來揀擇於勝處說故所以勝者以外塵及能

住衆生所住之處皆勝故

攝大乘論釋卷第十

與五

惱惱下同厭惡上一焰反珂螺告何反燒熟子上

消稻音道悠音由羸反垂穀口角逼彼力反也漚和舍上烏侯反漚和拘

平江路磧沙延鞞圭正濟發心捨施白米三千石恭刊經局工匠食用助刊大藏終板所集功德上報
佛恩下資三有法界有情同圓種智大德十年五月日憲

攝大乘論釋卷第十一

與六

天親菩薩釋 陳天竺藏法師真諦譯

因果修差別之二
修時章第五

論曰於幾時中修習十地正行得圓滿

乙

釋曰此十地是菩薩大地修行之時不可因

於二乘何以故不唯爲自身所濟度多故所

修方便多故所應至處最高遠故譬如王行

不可同於貧人故大小乘修行時有長短欲顯此義故問修行時

論曰有五種人於

三阿僧祇劫修行圓滿或七阿僧祇劫或三十三阿僧祇劫何者爲五人行願行地人滿